

碭山縣志卷之十二

人物志下

列女 義烈 貞孝

完節

劉向作列女傳范史因之于是後之作志者必述為篇以附三不朽之後誠以事關名教足以砥礪末俗為閨門勸況我

朝扶植人紀

詔有司所在以貞節聞崇之棹楔其風化感人之深尤十倍前代者乎用踵諸志之後詳其事于左曰義

碭山縣志

卷之十二

人物志

三

義烈

烈曰完節曰貞孝蓋竊取子政之意云

義烈

五代梁

梁賀王友雍妃石氏有色莊宗入汴召之石氏慢罵

莊宗殺之

見五代史家人傳按史石氏不載里居舊志編入仍之

明

劉卿妻張氏正德壬申流賊破碭城驅婦女入營張憤擊賊面罵不絕口賊怒舉刀先截其掌復磔之

肆其屍於東門上

江南通志

馮龜妻武氏爲賊所執賊食之曰我良家子肯從爾
賊欲速死賊猶未怒武乃擲食於地罵益厲賊怒
殺之舊州志

趙鐵妻陳氏居村中賊至舉火焚村家人俱逃散陳
慮出門爲賊辱投烈焰中死江南通志

許璟妻劉氏世隆女年十八歸璟璟固病經年在牀
第劉侍湯藥祈禱不懈璟亡卽乘間投深潭中家
人救出之痛哭三晝夜自縊事聞賜乾坤正氣坊

于門江南通志

陽山縣志 卷之十二 人物志

義烈 究

謝文煥妻程氏年十九煥得暴疾卒程觸地裂額誓
以死殉每哭不能出聲母與祖姑皆垂老無依苦
勸相依待盡後死越兩日氏轉氣瞑目謂二老人
曰若如願半途殉夫名節兩垂不如無死夜半遂
自縊事聞旌表陳志

劉爆妻吳氏爆佃蕪成疾抱卧經年家貧難於醫藥
氏日夜悲慟叩天祈愈及卒氏號泣不絕聲待爆

蓋棺遂縊死柩側事聞旌表江南通志

劉崇基妻李氏家貧躬織紡飲食必先奉舅姑夫死

誓以身殉舅姑泣諭氏曰劉氏姊能夠許節我何
可覩然以生即自經死事昭旌表

江南通志

尚希堯妻朱氏年十八夫疾革既殮從母家取綵衣
服之母姑覺不得死日夕哀哭水漿不入口者七
日姑勸之糜爲一啜求益姑方入厨朱氏引聲長
慟舉頭觸棺腦裂而死邑令副使王挺大書貞烈

二字表其居以聞于朝

陳志

毛九韶妻段氏克舟女年十六夫故輒爲死計守者
嚴不得死歲暮歸寧意欲訣別母不知尉以甘言

陽山縣志 卷之十二

人物志

七

義烈

怒不與語遽求歸中途解衣遺老嫗曰是後不爾

累矣元旦乘間自縊死邑令劉陽爲文誄之

同上

生員張拱辰妻段氏克諧女年十九適歸寧拱辰爲

盜所殺得報欲自盡以孕故中止無何產一男五

日歿氏卽爲死計姑與之同起居不得聞婦曰吾

知死所矣勺水不入口者七日姑哀其自苦曰第

從汝志卽強起飲食遍辭諸親哭于拱辰柩次自

縊以死邑人哀之爲之撰義烈記

同上

太學生薛銳妻段氏邑主簿廷光女時銳卒業南雍

疾革段氏籲天剖股和藥願以身代銳竟不起段氏哀毀死大司成孟河馬公爲文祭之隆慶四年巡按御史旌之同上

李崇謙妻段氏崇謙僉憲穩孫娶文瑞女以孝聞年

二十三崇謙故卽自縊家人救之蘓段氏悲號不

食四日自縊者三家人伺之益嚴一日忽解頰飲

食且寬慰舅姑守者懈卽自縊死邑令王廷卿爲

文祭之萬歷元年巡按御史旌其烈同上按四段氏江南通志

及府志皆作合傳嫌其大畧故照舊州志補之

礪山縣志 卷之十二

人物志

主

義烈

生員單士進妻王氏士進病侍湯藥經年不懈士進

死王觸棺破面折鼻家人持之不得死越宿乘間

自經時年二十督學御史耿定向令以公帑製豐

碑表其墓江南通志

張文煒妻汪氏事舅姑以孝稱文煒歿遺孤甫八月

泣語小姑曰孤非成人相吾志決矣乘夜北望父

母宅叩首曰無以報吾母有口死耳改吉服自縊江南通志

通志

生員毛國光妻焦氏年二十二國光疾篤家人不知

其欲以死殉也方爲國光屬續焦氏已入室自縊
矣事聞旌表江南通志并府州志俱作毛郭志作王誤

監生湯執中妻張氏執中病二載張侍湯藥不懈及
病革誓以死殉母叮嚀解勸張曰吾志決矣遂自

縊江南通志

生員汪允復妻郭氏允復以天啟七年赴試得病歸

死氏號泣願與合殯遂自縊江南通志

陳煌妻汪氏夫亡卽絕食拜辭翁姑越三日死之江南

通志

碭山縣志 卷之十二

人物志

七

義烈

汪儀黃妻張氏年十九夫病卧侍湯藥晝夜匪懈及

歿自經以殉事聞旌表江南通志

苑守政妻展氏夫歿無棺痛哭遂自縊越數日神色

不變江南通志

王旦起妻陳氏旦起病陳夜起焚香請代及歿自縊

以殉府志

賈國泰妻安氏年十九值明季寇作攻賈樓樓破氏

懼辱遂墜樓死郭志

紀綱妻况氏妾任氏李氏聞綱陣亡同日殉節郭志

陽邑實錄補

黃文華妻李氏同夫禦賊殉節郭志

國朝

于唐妻王氏夫亡無子喪畢上夫墓慟哭歸卽於是

夜自經死時年二十四江南通志

趙汝瀚妻胡氏徐州衛人年十七于歸克嫻婦道閱

四載夫亡殮訖卽自縊郭志

李東里妻馮氏孝翁姑和妯娌鄉黨稱之夫亡年二

十二無子自縊以殉江南通志作鄒氏誤

陽山縣志卷之十二

三

義烈

商起妻劉氏嫁逾年夫病每夜禱天願以身代及歿

氏不食不哭既殮更衣拜柩前又拜其姑自縊柩

旁縣令爲勒石表其墓江南通志

張世則妻劉氏幼失母養于夫家能孝舅姑及長婚

配未幾夫亡氏號哭覓死姑防之甚密乘間自經

江南通志

王四美妻蕭氏賢而無子以夫兄子爲嗣夫歿嗣子

繼歿氏哀慟不食七日死江南通志

竇正已妻戚氏于歸逾年夫歿視殮畢卽自經江南通志

監生周之楷妻曰白氏夫亡無子沐浴更衣拜夫柩自

經死江南通志

汪銑妻馮氏知已女知已通判饒州銑偕氏往省病

歿署中氏投繯救免父母勸以宜待翁來越兩月

翁至即自縊夫窺旁江南通志

王斐然妻張氏夫亡無子母許以喪滿擇配氏聞言

號泣云貧不能守節願從夫死逮夜閉戶自經乾

隆六年請旌府志

單德宏妻張氏夫亡無子自經以殉鄉人為立石江南

陽山縣志 卷之十二

人物志

七

義烈

通志

劉大木妻馮氏夫亡氏年二十誓以身殉親黨勉以

撫孤及孤殤即於是夜自經江南通志

陳啟光妻李氏夫死殮畢自經江南通志

范五妻魏氏夫亡自經府志

監生李善彰妻汪氏年十九適李僅八月夫病篤先

夫一日自經死府志

仝器妻連氏性貞靜事翁姑孝年二十一夫亡自經

以殉府志

趙之蘭妻米氏年二十一夫亡自經府志

孫士斌妻卜氏年十九于歸越二載夫故氏即絕粒

時孤米彌月眾勸飲食保孤氏曰呱呱者未知能

存與否吾得從九泉足矣數日不遽死復服毒石

乃整衣拜辭翁姑而死邑令談繼文親為祭奠請

旌郭志

陳修五妻王氏夫故止遺二女氏不甚哀痛人竊怪

之次日夜即投繯死邑令旌其門曰從容就義郭志

徐允昌妻毛氏夫亡以子女託伯元會撫養乘間自

陽山縣志 卷之十二 人物志 七

經府志

庠生楊鏞妻張氏夫故遺子女二氏勵志守節紡績

辛勤教子有方應童子試忽殤氏以夫死子亡遂

自縊府志

觀察陳奕暉妾談氏奕暉歿投繯以殉乾隆三年

旌表府志

張淳妻汪氏夫臨歿一女僅三月囑曰女存與存氏

守節十五年女亡號泣曰可下報吾夫矣遂自經

郭志遺探府志補

闕維品妻毛氏年十九于歸甫浹旬維品患痘症氏

躬奉湯藥日夜不倦越旬日夫死氏自經以殉新

生申妻雲氏鄉民雲貴女遭大疫舉家病力疾事公

姑及夫夫死氏不敢哭十日公姑病痊乃自縊新

劉大倫妻錢氏夏邑錢裕後女年二十一適劉無所

出夫死一痛幾絕三日不食家人防之少懈遂自

經死乾隆二十七年請旌建坊新

李熙妻汪氏年十九適熙熙病經年氏調護不少離

熙死殮畢絕粒七日死新

碭山縣志

卷之十二

人物志

美

義烈

趙富初妻宋氏乾隆二十八年九月適趙越明年七

月初十日富初死氏于十一日自經殉之三十年

奉旌表新

監戚徹妻蔣氏徹死無子欲殉公姑泣諭曰我一子已

死惟近門孫可嗣爾死是絕我也嗣未定不可死

氏勉應命然日哭于徹柩前祈定嗣其家恐其殉

也越五年始嗣以堂姪道均人咸謂其不死矣氏

乃哭三日不食死新

李仲子妻劉氏好讀書言動不苟夫亡家人嚴防之

夫夕乘間自經以殉里人爲立碑新

房有替妻周氏年二十三知智故五日不食自經死新

張檜郡諸生妻姬氏十九歲適檜檜多病氏奉之七

年不怠檜死三日勺水不入口日夜哀號其家環

伺之七日檜葬遂自經邑令旌其門子萬清庠生

新

朱會文妻劉氏得位女雅知書嗜列女傳置枕旁時

時潛讀于歸逾年夫故絕粒自縊諸姑防之愈嚴

越夕乘間仍投繯死里人爲之立碑新

陽山縣志 卷之十二

人物志

志

義烈

完節

元

段興妻牛氏年二十與歿宗黨欲奪其志氏叱曰此
心已定敢有復言者我當自殺我死則翁姑孤兒
必不能自存是禍我一家也衆不敢言氏躬勤織
紉奉翁姑及卒塋祭成禮教子義方至元中旌表
萬歷州志按牛氏之後有四段氏皆以節烈
著甚矣風化之人人深矣可不知所表揚哉

明

朱魁妻陳氏魁逝遺二男肇元三歲次起元未週陳

陽山縣志

卷之十二

人物志

妻

完節

氏二十一歲守節課子俱至成立洪武年詔旌其

門江南通志

生員趙汝器妻李氏汝器死氏欲殉之舅姑泣諭乃

止氏孝養舅姑訓子成立苦節終老隆慶四年邑

令戴偉上其事巡按御史表其門曰節孝

萬歷州志

毛九式妻王氏年十九夫歿自縊救不得死遺腹生

子珠伶仃孤苦無以自存宗黨欲奪其志氏厲聲

斥之卒獲完節隆慶五年巡鹽御史表其居

萬歷州志

生員李九思妻王氏夫病齋沐祈天不獲九思死遺

一子未期王嚙指自誓日抱赤子坐卧一小樓不見一人忽寐中聞人呼曰起起樓傾矣氏驚寤携子出樓果傾邑令劉陽表其居府志

周謙亨妻李氏謙亨卧病李割股和藥籲天願代及

死子新德未週歲李竭力養親撫孤成立府志

生員孟三萊妻劉氏三萊故劉守貞課子皆入庠里

人稱之府志

太學生單士英妻尉氏英早逝遺一女在襁褓氏時年二十守志育女蓬首垢面績紉自食歷苦節五

陽山縣志

卷之十二

人物志

堯

完節

十年府志

趙應登妻仝氏應登病逝氏年甫十七遺男兩月氏

懷抱遺孤日夜號呼奄奄就斃舅姑泣勸曰兒不

幸死遺孤兩月萬一撫養成立延趙氏一脉所賴

惟爾氏即仰天泣盟以事養撫育自許舅姑相繼

坳會水荒饑饉荐臻孀孤相依辛苦倍嘗貞節凜

凜如初年八十九終郭志遺採萬歷年陳志補

汪殷妻劉氏芳績女年十七歸殷生女兩周男僅期

殷病篤語氏曰吾自度不起負父母恩又遺此孤

以貽之戚孝事撫育吾何恃焉語未竟死氏號泣
幾絕歷兩日夜始甦乃嚙指自誓以踐夫志舅痰
疾終氏辛勤墓事惟謹姑卧病三月氏櫛沐扶掖
毫無倦色夜必叩天冀以身代男婚女嫁經營如
禮家漸落至不能謀朝夕忍饑受寒惟手刺女工
佐孫課讀孫禹治補邑庠生

郭志遺採
陳志補

生員楊焯妻王氏焯患重疾氏委曲調護未幾歿氏
哀籲甘殉姑袁氏衰老語曰兒死我已無依婦再
死老人固不足惜奈弱孫何氏承姑命艱辛孤苦

陽山縣志

卷之十二

人物志

中

完節

以奉養爲己任自夫死以及姑墓節孝幾三十年

按院范良彥旌之

郭志遺採前令趙
啟建陽邑實錄補

邵重謙妻李氏靖海丞桂之女二十一歲夫死二子

襁裸室如懸罄氏以女工易粟晝荻訓子年八十

終茹荼六十餘年長子宗黃列鬻序次子宗忍官

守備有司屢旌其門

郭志遺採陽
邑實錄補

蔣燧繼妻申氏年二十二歸燧五載燧卒生子履運

方二週燧前妻子履端輔聖俱未成立氏苦節撫

諸孤幾五十年不二其愛且延師訓迪慈而有法

各列名賢序中後履運以殉節聞鄉黨間益仰氏善教有以成之也

郭志遺探 姜州志補

生員汪秉鈞妻蔣氏二十一歲鈞故氏矢志教子大

受讀父書補邑庠苦節五十三年終

郭志遺探 邑實錄補

邑庠生胡欽茲妻張氏欽茲以義俠死張時泣訓二

子以奮勵雪父冤值歲凶紡績自贍延師課子其

子心從心偕諸生年七十無疾終按院范良彥旌

其節

府志

監生王烱妻孟氏烱死父年逾八十子七人皆幼孟

礪山縣志

卷之十二

人物志

三

完節

仰事俯育舅病湯藥不愈割股以進比亡葬之成

禮撫七孤各有成

府志

邑庠生崔科妻李氏僉憲李穩之女科病篤謂李曰

吾必不起汝未孕育奈何對曰君幸自寬脫有不

諱吾不能偷生以辱先人科曰二親衰老吾罪人

也與其殺身以伸汝節孰若忍死以薄吾罪氏領

之科屬續後李氏乃鬻簪珥治喪事毀粧力作舅

姑安其養者十餘年始歿里人哀其貧苦醵金襄

喪事邑令劉陽表其門仍令歲時給粟帛

陳志

王三讓妻魏氏于歸一載夫病歿氏年十九矢志守貞孝事衰老翁姑撫遺孤命隆成立萬歷四十年邑令旌之郭志

劉毓星繼妻劉氏事姑至孝未幾夫死姑又死家貧二子幼以宅易棺負土爲墳茹荼不悔年八十三終邑令表其門同上

張毓錄妻 氏生子盛世方襁褓毓錄死視殮畢抱子跪棺前屬曰汝父死汝母殉義也汝成立無殞父德足矣言畢觸棺嘔血於夜投繯家人解救力

陽山縣志

卷之十二

人物志

全

完節

勸撫子以成夫志乃督子甚嚴備歷諸艱三十餘年奉旌同上

李充實妻馬氏年十八夫故遺子抱玉未滿三月氏恐絕李脉堅志保孤時流賊猖獗大肆焚掠氏抱嬰兒痛哭賊竟不忍害捨去賊患稍息家業益薄氏勤儉自持教子成立孫曾繁衍苦節五十餘年

府志

王毓純妻李氏豐邑庠生李恪真女毓純遇盜死於豐氏年二十四流離艱苦念祖姑魏氏孀居老病

忍死相依撫孤曰鈇曰鏡訓誨成立營墓兩代棺
皆如禮壽八十終郭志

庠生李輔民妻陳氏李死遺二子一五齡一遺腹氏
艱難困苦矢節不渝當明季之亂流離轉徙卒得
保孤承祀邑人稱之郭志

賈國泰妻安氏以節烈死繼娶孟氏生子與國泰從
征戰亡孟年三十與八歲母子相依寇平始歸里
撫與成立與又先亡遺二孤曰梅曰友仁氏鞠育
成立梅入太學仁子鳳儀爲邑庠生守志五十六

陽山縣志

卷之十二

人物志

全

完節

年郭志

王國民妻丁氏夫故氏遺八月孤上無翁姑終鮮兄
弟氏携孤歸母家就養撫孤成立叠遭荒歲艱辛
備嘗苦志四十八年郭志

戴國用妻孫氏明末流寇煽虐國用與父同日遇害
氏年僅二十三懷三歲子世貴扶衰姑流離轉徙
及寇平歸里田地荒蕪衣食不給氏日夜紡績奉
姑育子以節終世貴生七子俱成名其三允謙早
亡聘杜氏女以貞烈著郭志

生員朱建則妻王氏夫亡氏誓守節存孤後其子仰
晦以弱冠游庠王年七十餘官給米布優之姜州志

戚仲行妻蕭氏年二十夫故時學生子在襁褓且屢
值歲歉氏不憚艱苦矢志撫之卒至有成皆為邑

庠郭志遺採
姜州志補

李煥星妻朱氏年十九夫歿撫周歲子之典及長娶

婦陳氏未幾典復死陳氏子甫三歲與姑同志守

節邑令旌其門同上

周於德妻子氏適周翁姑相繼逝於德復亡時值水

陽山縣志 卷之十二

人物志

齒

完節

患氏携二男一女鬻簪珥具喪葬嘗忍饑紡績以

養諸孤有司旌其節同上

屈尚禮妻劉氏尚禮死氏年十八遺腹生子鳳翔氏

苦志守節歷五十餘年鳳翔餓於庠鄉里重之有

司旌其門同上

段雲龍妻曹氏夫歿孝事孀姑撫子女四人皆成立

人稱其冰節凜然同上

許瑄妻薛氏瑄歿值歲饑紡績白給教子抒忠列名

膠庠同上

監生龐猶龍妻臧氏妾郝氏明末寇亂猶龍以糾義
勇禦賊被害其父倉皇出奔二氏不及從携孤兒
潛匿未幾聞翁歿於豐二氏方染疫遽起赴之族
人以道梗勸阻不聽遂行晚憩荒寺前假寐忽聞
人呼曰起賊至矣驚覺疾行一里許而賊已嘯聚
於寺火光觸天比至豐人聞其來自礪也咸爲驚
嘆居無何有奴盡竊其箱篋去二氏大窘僅餘二
簪易棉紡績每一撫棺嘔血滿地亂定扶櫬歸田

礪山縣志

卷之十二

人物志

五

完節

產已爲人占據訟於官還之其人因陰爲仇害二
氏常置孤樓上夜卧數易其處數年乃定後其孤
瑄入太學孫曾十餘人皆成立二氏守節五十餘
年各八十三歲終請旌建坊

江南通志

庠生黃瑞璋妻汪氏瑄生八月父母俱亡養於伯父
遂爲繼嗣氏生二子天植天錫璋疾卒氏年二十
餘乃忍痛撫孤孝事伯舅姑喪葬無缺禮而璋本
生父母無他子氏以天植承大宗次子天錫嗣本

支教之成名苦節四十年請旌建坊

江南通志

汪釗妻曹氏嫁三年而釗歿氏年二十遺二子長二

週次彌月氏撫孤奉翁彌加篤謹翁多病侍湯藥

周至事繼姑得歡心躬自紡績課子讀書皆克成

立苦節六十年請

旌建坊

江南通志作曾氏誤

貢生汪在洲妻張氏徐州貢生張炯女十七于歸孀

姑病劇醫云難治氏極力扶持祝天願以身代在

涸旱卒子作楫年幼氏內撫孤子外持門戶備嘗

辛苦守節三十年請

旌建坊

江南通志

紀鼎耀妻汪氏夫故年二十翁姑年逾六旬忍死奉

礪山縣志

卷之十一

人物志

完節

養撫四歲孤有欲奪其志者氏破冰投水以救免

守節五十二年奉

旌建坊

府志

張維則妻李氏年十九夫故遺子之強在襁褓氏矢

志冰霜奉翁姑克盡孝道訓子入成均苦節三十

四年請

旌建坊

郭志

邵簡妻時氏年十九夫亡撫遺腹子宸相稱長教之

入學守節數十年

郭志遺採府志補

監生汪永佑妻李氏年二十三夫死止一女氏嚙指

血題夫主事皆請命朝夕薦食夜則寢處靈旁終

身如一日郭志遺採

白振銓妻邢氏年二十二夫亡晝夜紡績苦節課子

姑目盲氏日夜焚香禱神目復明郭志遺採江南通志并府志補

生員陳琮妻曹氏夫與姑俱多病氏奉湯藥歷四年

夫亡姑卧床又十三年而歿氏前後奉侍辛苦萬

狀訓子成立守節三十七年郭志遺採江南通志并府志補

李存政妻汪氏年二十寡養親教子終身布素郭志遺採

府志補

王廷璋妻吳氏生子錫甫週璋故時兵燹中卒保其

礪山縣志 卷之十一 人物志 完節

子稍長朝夕督課不少假辭色後入庠生氏曰可

以報地下人矣有司請旌江南通志

崔澍妻蔣氏澍幼孤母楊氏撫之娶氏未及三載而

澍亡氏泣曰吾非不能殉夫奈孀姑何於是紡績

以養三十年無間有司旌之郭志遺採府志補

馮學舜妻葛氏早孀矢志冰霜之操至老凜然及歿

塋城南墓側有橋人以雙節橋呼之蓋謂全器妻

連氏與葛云郭志遺採府志補

王明照妻許氏夫歿子永福三歲上有翁姑氏日夜

勤織紡事育不缺永福復歿撫孤孫孫又殤乃子
身事二親益誠敬翁姑繼歿氏哭之兩目俱瞽府志

李繼孟妻趙氏夫故氏年二十一無子氏撫幼姪同
德中孚入邑庠清操七十六年壽九十七終郭志

孟君召妻陶氏夫故氏年二十三翁姑年老遺孤弱
家極貧紡織以養守志六十餘年邑令表其門郭志

侯補知縣趙允樂妻楊氏于歸僅匝月姑逝氏事翁
得其歡心及樂謁選翁適病且死氏代子職無缺

禮樂聞訃歸哀毀卒遺孤三俱幼氏矢志課讀皆
完節

碭山縣志

卷之十二

人物志

全

完節

宥聲庠序守節五十一年郭志

汪錡繼妻張氏錡歿撫前妻子曰淑曰洗已子曰澎

曰滬皆成立事翁姑養葬如禮壽七十終郭志

李貴臣妻高氏夫故遺孤化起甫四歲氏上奉翁姑

下撫弱子孝慈備至清操六十七年郭志

黃璠妻李氏夫故遺一子未週氏欲以死殉姑責以

大義方止翁病醫醫珥以濟事姑甚得歡心撫子

成立歷節四十年郭志

蔣中藩妻戚氏早孀遺孤二長四歲次期月翁姑年

逾八旬家貧如洗氏紡績以養茹荼嘗藥者五十
二年子鳴周邑諸生江南通志

紀良彥妻于氏良彥卒氏年二十遺孤景期僅十月

氏哀毀欲殉翁姑指孤謂之曰紀氏一門惟此言

訖痛倒氏倉皇扶起告曰吾當撫孤自是竭盡艱

辛及長娶張氏生子二週又歿復與媳撫孤孫兩

世苦節鄉里稱之江南通志

張之璉妻王氏早寡撫孤懷義事翁姑家貧菽水皆

出紡績壽九十餘終郭志

陽山縣志 卷之十二

人物志

完

完節

蔣允謙繼妻徐氏夫故前妻子治幼氏撫如已出事

翁姑以孝聞郭志

李濟舟妻徐氏嫁二載而夫亡遺彌月孤未幾亦殤

氏矢志長齋以節終郭志

王國正妻張氏夫亡年二十一撫遺腹子維嶽矢志

奉翁姑伊父母憐其幼勸之嫁遂終身不復歸寧

郭志

庠生王之彬妻李氏夫亡氏年二十一事翁姑孝喪

葬盡禮無子立嗣嗣又亡嗣孫撫之乾隆六年請

孫應魁妻李氏夫故矢志撫孤曰隆娶婦關氏生子

琦隆復歿關願同姑守節琦念二代苦節事之極

孝養鄉里稱之郭志

朱中潛妻丁氏年十七寡撫週歲子烈事翁姑未幾

翁歿姑病氏侍藥餌惟謹烈邑庠生郭志

陳峭妻孫氏年二十五寡奉舅姑撫二子矢節不易

二子妖嗣姪邑庠逢年娶龔氏生子夢得又死龔

復守節奉姑孫年八十七終乾隆六年旌郭志

陽山縣志

卷之十二

人物志

卒

完節

庠生邵履中妾李氏純生母也履中故李年二十一

矢志撫孤成立歷節四十餘年郭志

張學聖妻韓氏早孀奉衰年翁姑撫四歲子運寧織

紉以供苦節數十年郭志

吳士俊妻于氏年二十四孀矢節事孀姑以孝著育

二子成立季子克類復早逝妻張氏奉姑守志郭志

田萬祿妻李氏生子三歲女甫週而寡氏日抱子女

悲泣子殤撫女奉翁姑以姪嗣苦節五十餘年郭志

于沛繼妻王氏夫亡子塏六歲塏甫週矢志事孀姑

兼撫子塏娶戚氏孝姑如王氏塏又亡撫七歲子節亦如之郭志

闕敬祖妻李氏年二十三孀遺子元勳三歲翁姑老且病氏親嘗湯藥及歿無缺禮子亦成立郭志

時允公妻馮氏年十九夫故子宏宗未及週氏誓節奉養翁姑及祖姑備歷艱辛守節三十八年

黃璣妻徐氏年二十四夫故生一子殤念舅姑老不忍殉終身以養以葬各遂其志以姪嗣壽七十八終郭志

礪山縣志

卷之十二

人物志

五

完節

闕成蛟妻趙氏夫故時年十八止一女姪未及週伊父母俱逝氏矢志撫之成立事翁姑以孝稱苦節四十餘年郭志

李攀高妻段氏年二十二孀遺子茂盛二歲繼姑已死所生夫弟攀龍攀鳳俱幼撫之皆成立更善事翁至老歷節六十餘年郭志

于履康妻蔣氏年二十一夫故無子氏投繯欲殉遇救免乃含慟奉姑以節終郭志

李勳妻劉氏夫早歿氏誓志撫孤九襄上奉哀姑九

襄入郡庠死妻曹氏復承姑志撫週歲子淑漢兩世皆節孝著郭志

監生李廷士繼妻李氏廷士上世本盧姓娶氏未十年寡矣無子嗣國杰氏老翁姑持門戶訓僕無不至年十八娶于陳方一年未生子而僕死李為陳復立嗣煥姑媳相依勵節及煥壯且官縣丞而又死煥婦承兩世孀姑後撫三子惟謹而李以完節終陳與汪惟恐其不類李也益堅其志舉三喪課弱子至今鄉黨無不嘖嘖稱一門三節採蔣為所撰三

礪山縣志

卷之十二

人物志

三

完節

節傳

汪鑰妻劉氏夫歿氏年二十五撫四歲子復豎矢志

冰霜事姑盡孝苦節五十五年郭志

丁振宗繼妻呂氏夫故遺三子一女皆童稚誓死苦

守婚嫁後子女相繼亡撫六孫亦成立苦節五十

七年奉旌郭志

許欽妻若氏夫亡氏年二十四遺子未及週氏堅志

守貞奉翁姑極盡誠敬教子有成郭志

庠生龐妻時氏年二十二寡子灝甫八月氏投繯

再三以救免姑諭以死節易撫孤難始矢志守貞

敬事衰姑教子食餼邑庠三十五年如一日郭志

張瑞妻黃氏年十九孀惟一女氏欲殉之翁姑哀諭

存養且為立嗣宗文氏奉之得二老歡嗣亦成立

郭志

庠生蔣掄妻權氏年二十二寡撫二歲子世經并九

歲叔哲奉事老翁生養死葬守節三十六年郭志

胡永祿妻楊氏早孀遺四歲孤文祥紡織度日娶媳

生孫上采二歲文祥又亡楊偕婦守貞窮愁備歷

陽山縣志 卷之十二

人物志

三

守節

年八十一終郭志

孟益祿妻戴氏年二十四夫亡遺一子閱二載殤

氏依姪以居苦節不移年七十卒郭志

蔣佳賓妻汪氏夫故無子嗣姪朝棟氏堅貞自守歷

節四十餘年郭志

王之樂妻單氏年二十夫故遺週歲子魯氏七日不

食翁姑防之嚴得不死乃堅貞自守以孝稱歷節

三十餘年郭志

李亮祖妻王氏庠生王青標女年十九而嫁甫一月

夫故氏欲殉翁姑諄切勸諭乃矢志完貞奉翁姑
宗黨皆稱其孝嗣子孟庚郭志

鄭朝選妻馮氏年二十五夫故無子氏奉養翁姑代
子職嗣子新年堅志守貞三十年郭志

徐體端妻陳氏年二十四夫故遺三歲子氏堅志撫
孤未幾又亡復撫七歲孫艱辛備歷守志三十九

年郭志

蔣玫妻郭氏年二十夫故遺子以寬甫二歲氏孝奉

衰翁紡績易粟苦節五十年郭志

碭山縣志 卷之十二

人物志

齒

完節

胡錫妻宋氏年十九適胡生子紳甫一週夫故矢志

完貞孝事衰姑及子娶媳蔣氏紳死無子氏復為

蔣立嗣其潤歷節四十五年郭志

王文斌妻高氏夫故哀號欲死姑聞悲勸氏乃自誓

紡織辛勤姑病八載事益謹教子晟入泮守志三

十餘年郭志

蔣民敬妻王氏夫亡氏年二十四遺腹生子氏矢志

冰霜撫孤成立郭志

房育妻胡氏夫亡子吉並女俱幼氏矢志事翁姑育

子女翁姑心歿子甫十歲氏經營如禮郭志

生員汪逢渭妻段氏孝姑相夫有賢聲夫亡遺一女

氏撫女奉姑立嗣守志歷節三十八年郭志

邵四妻李氏夫故遺子配未週次年夫兄嫂並逝遺

幼姪新氏上奉翁姑下撫子姪守志四十餘年郭志

黃生色妻張氏早孀生三子氏堅志守貞奉舅姑撫

幼子次子瑄補邑庠歷節二十三年郭志

汪汝玠妻彭氏夏邑梅齡女早寡撫孤為澧辛勤教

養甫成立澧又亡撫兩孫矢節三十五年郭志

陽山縣志

卷之十二

人物志

卷

完節

唐裔隆妻孫氏夫歿遺一子妾生子三氏年二十五

撫之俱入國學壽踰八十孫宏遠妻李氏宏遠歿

氏抱二月子大枚矢志不易奉姑深得歡心訓子

成立創修家廟周卹族黨眾益稱之郭志

李廷芳妻 氏夫故遺子恒義幼氏矢志守貞奉嫡

姑繼姑克盡婦道族黨咸以孝稱歷節四十七年

于陸妻張氏孝事舅姑夫故遺子一學孔甫二週氏

矢志堅貞家貧無以自贍倚弟中道度日教子成

立苦節四十一年郭志

王公尹妻黃氏夫亡氏年二十五遺長子七歲次三

月氏上奉年邁翁姑下鞠幼稚守節三十五年郭志

吳士紳妻馬氏紳歿遺孤元泰甫五齡氏砥志養翁

姑撫幼子晝耕夜織備嘗荼苦歷節五十三年郭志

閻子法繼妻曹氏夫故遺二子一女氏孝姑撫子歷

節四十八年奉旌郭志

孫瑾妻常氏夫亡守志不渝奉九十祖姑及衰姑終

養閱三十二年卒郭志

戚鏘妻蔣氏夫亡氏年二十二撫二女孝侍翁姑冰

陽山縣志 卷之十二 人物志

完節 矣

霜矢志閱五十餘載郭志

庠生戴法韶妻朱氏夫歿老姑已八旬氏極孝養子

四歲密家貧艱苦克勤紡織子入太學郭志

孟尚禮妻徐氏夫亡守節撫子成立年七十五卒郭志

張起印妻徐氏夫故氏遺子福全四歲上有翁姑氏

矢節不貳親操井臼奉親終養子獲成立郭志

張蒨妻常氏年二十二夫故氏矢志冰霜始終不渝

歷三十一年郭志

庠生闕用善妻胡氏二十三寡遺三歲子燦氏孝奉

翁姑撫育弱子矢志四十四年郭志

戚文德妻楊氏年二十三寡遺襁褓子邁氏勵志奉

翁姑養葶盡禮撫孤列名膠庠歷節四十餘年郭志

高廷標妻朱氏夫故生子經方五歲氏母子相依苦

節三十九年郭志

張蘭妻房氏夫故氏矢志堅貞奉翁姑克盡孝道訓

幼子不愧義方苦節四十八年郭志

庠生段鑄妻曹氏年二十五夫亡遺子幼氏孝翁姑

醫簪珥以給甘旨訓子入邑庠歷節五十餘年郭志

碭山縣志 卷之十二 人物志 九十七

周釗妻湯氏夫故翁姑衰老二子襁褓氏上事下育

百計艱辛苦節三十年郭志

汪愷妻曹氏奕榮祖母夫故孝事翁姑教子成名勤

儉持家守節四十餘年郭志

高嶠妻李氏早孀六十三歲卒鄰里稱其貞節郭志

臧應舉妻蔣氏夫亡遺子鎰三歲鎮一月氏矢志奉

翁姑撫教二子苦節五十三年奉旌郭志

侯選縣丞段上林妾劉氏上林繼妻梅氏生二子鏞

鑑林因劉克敦婦道以次子命劉撫養氏愛如已

出及林故氏年二十二冰霜自矢歷節三十八年

郭志

朱夢華妻許氏夫亡守節孝事孀姑撫二幼子義方

有訓歷五十餘年

郭志

胡坤妻李氏夫亡氏年二十守節撫孤奉翁姑養葶

如禮卒年七十一子永言入城均

郭志

戚勒猷妻于氏年二十一夫故撫孤守節孝公姑和

妯娌子殤投繯者再家人救免復立嗣撫之有司

旌其門

郭志

碭山縣志 卷之十二

人物志

矣

完節

監生汪在洽妻曹氏洽歿姑老多病三子皆幼氏獨

任家政奉姑孝歷久不懈守節四十年族人稱之

兩子入國學一子任淮安府訓導

見壺儀錄

葛方濟妻張氏夫故事上撫下均無遺憾完節終

郭志

張士吉妻劉氏夫故遺二孤一四歲一數月苦志四

十四年撫之有成

郭志

陳廷新繼妻陸氏早寡無子一女幼氏矢志靡他苦

節五十年

郭志

朱廷諾妻薛氏早寡遺二孤教之成名勤儉致豐

郭志

汪泮繼妻蔣氏入門泮已病嫡子世韜方二歲繼姑
有前夫子覬覦其產泮病將革撫韜泣曰我家五
世單傳僅此我死將誰托氏曰我當成汝志及死
殮畢抱子歸寧二年不返艱辛萬狀卒保此孤郭志
諸生蔣同福妻王氏福早死無子遺一女姑病侍湯
藥衣不解帶者四月餘及歿盡哀苦志五十年爲

立嗣郭志

蔣文選妻楊氏夫故一子四歲值水荒家業盡落紡

織課子守節五十餘年郭志

礪山縣志 卷之十二

人物志

雜

完節

楊澄妻李氏早孀三月生遺腹子在文時姑先亡翁
已老氏奉養極盡心力撫子成立苦節歷五十五

年郭志

諸生唐宏遠妻李氏夫故苦志守貞不出中門乾隆

十七年 旌郭志

李春植妻張氏早孀翁姑俱歿氏紡織度日有兩幼

姪喪母氏撫之與子俱成郭志

戚允懿妻高氏夫故善撫孤苦志守貞五十餘年以

成其家郭志

朱昱妻張氏順治七年土賊任七挾重貲市馬於碭
謀不軌昱聞糾鄉民執之白于官三日賊逸聚賊
圍昱宅昱招丁壯登樓以拒賊積薪焚之舉家被
殺計二十七人擒昱剖腹剜心張抱週歲子本立
墜樓幾絕賊捨去張撫成人娶蔣氏早孀子輔在
襁褓張嘗泣曰吾家一門遭奇禍宗祧惟藐諸孤
爾族之黠者利其產數謀害孤賴蔣以智得脫尋
成立家漸豐子依仁孫一麟貢生位元庠生郭志
周士玉妻姚氏二十四歲寡止一女方數月苦志守

碭山縣志

卷之十二

人物志

百

完節

節立嗣撫之成人曾孫俱見壽將八十郭志

曹潛妻劉氏一柱女夫故孝翁姑守節四十餘年郭志

陳琦繼妻朱氏琦亡氏年十九服毒石欲殉之爲家

人覺救甦尋自縊復救不死守節以老郭志

徐二妻王氏二死止一女無近親族有利其產且美

其貌可得多金者欲奪其節日說之氏聞輒泣說

不已輒罵遂病發終歲不與人言且不與女人言

三十年非罵則哭人畏其悍而奪嫁之說乃息至

六十歲後不病亦不罵人爲其伴狂守節云彤管拾遺

張淮妻李氏十八歲孀貞潔自守奉舅姑病不離床
褥者經年撫遺腹子爲軀慈嚴並至于今歷節三

十年

以下
新增

何贊九妻郭氏早寡撫子明倫娶邵氏邵年十九明
倫又死同姑撫遺孤清柱娶李氏未幾清柱又死
李復守節清柱子睿亦早死妻李氏亦以節聞一
門四世並著奇貞可憐亦可敬焉

張蔚妻戴氏蔚死撫孤奉姑盡孝養歷節三十六年
增生范瞻泗妾張氏年二十二夫死勵志冰霜教子

碭山縣志

卷之十二

人物志

頁

完節

蓋入庠

趙甫清妻蔣氏夫故家貧事公姑能盡養苦節已歷
四十七年矣

黃輜繼妻姜氏于歸二年而寡時年二十一食貧守
志以節著子其敏庠生

李新維妻馮氏性貞淑通內則早孀無子欲殉以救
得不死伯氏嗣以子之標氏慨然有丈夫志訓嗣
子恩勤備至以貧不能就外傳乃親授經書至有
成餼于庠當新維之死也繼姑在堂氏事之頗艱

苦人尤稱其孝云

于洛妻王氏年二十一夫故時叔浩尚幼氏孝孀姑並撫浩及浩生子爲立嗣其姑嘗語人曰吾年將八十宜死家貧宜死多病宜死猶強立人間者非吾媳不至此

陳榮妻何氏年二十二守節遺一女奉衰姑養生送死代夫克盡子職迄今三十餘年督學旌之

彭述光妻毛氏早寡遺一子姑先亡惟依老翁家貧紡績事育舅歿辦葬具甚苦旣葬積勞死

陽山縣志

卷之十二

人物志

五

完節

程彩彬妻邵氏年十九夫亡以孀姑相依爲命不忍死矢志孝養撫嗣成立又死撫弱孫守節五十年朱廷試妻汪氏早孀子方藹甫三歲孤苦伶仃以撫子且代夫克盡子職焉守節三十九年方藹入成均

武生衡以瀛妻姚氏夫死子平幼氏強爲視息艱苦備歷歷節三十八年

李炳妻常氏炳死遺二子皆幼姑年七十八氏恐傷老姑心勉爲言笑又十八年而姑亡人咸稱其孝

家固貧氏晝夜紡織教其子

劉尊周妻張氏夫死年十九子德型甫週念公姑老子幼不可死遂茹荼自甘稱孝且稱慈焉德型庠生

孟二妻劉氏蔣庄窮佃也二死遺孤二歲苦守之值儉年其家欲得嫁資以糊口氏不肯叔氏通媒約車已及門氏覺取鉏自刎血縷縷出救不得死衆驚走氏乃把鋤耕種以終其身

李之綿妻趙氏早孀無子家且貧矢志守節

陽山縣志

卷之十二

人物志

三

完節

鄭大經妻衡氏夫死子三歲逾年痘殤爲立嗣奉姑無倦色撫嗣子尤以慈稱

鄭大中妻徐氏子生三歲而大中死氏奉老撫孤苦節至今三十餘年

李六藝妻邱氏年二十二夫故孀姑雙瞽氏朝夕相依勤紡織以養且教子念祖慈而有法列諸生

劉先立妻龔氏夫死無子女翁姑已老叔先務尙幼氏忍死孝養今已繼有子矣

陳三綱妻張氏夫死姑已老且家貧羹食生送死取給

于十指復爲夫立後以節稱

陳大綱妻李氏年二十夫故無所出奉老姑盡孝復立嗣宗祧賴以不絕

李元妻李氏夫死遺五歲子以雍氏艱辛撫之成立生員馮德光妻葛氏無子而寡矢志守節立嗣子計夫死時氏年二十二今五十五矣

馮正仲妻王氏年二十二夫死子身勵志歷節三十年

生員李國聘妻邵氏十九歲夫死無子國聘兩弟國

碭山縣志

卷之十二

人物志

四

完節

賢國才皆相繼死國賢妻汪氏亦無所出國才妻張氏生四子堯基成基興基遺腹子榮基妯娌相勉矢節俱孝事公姑分嗣撫育皆有成榮基尤以品學著督學方舉優貢而榮基復歿妻汪氏又守節矣

張珩妻李氏年二十三寡撫子永菴現年六十三

萬文妻王氏文死氏年二十一孀姑老遺孤幼家無寸土賴紡織以活屢遭荒歲矢志彌堅克全其節

陳欽妻張氏年二十一夫死無子舅姑雙櫬在堂因

撫週歲嗣子愛如已出苦節六十年且葬雙櫬焉
李吉人妻唐氏早寡無子苦節自勵

陳宏期妻李氏二十三歲孀無子撫女熒熒以老

唐大則妻程氏夫死氏年二十二遺一子姑防之嚴

得不死志堅金石以奉翁姑至老凜然子亦成立

常爲方妻王氏生子尙志一週而孀氏事上撫幼孝

慈並著四十餘年苦節如一日

于得仁妻劉氏夫早故家貧矢志撫幼子篝燈紡績

養公姑

礪山縣志

卷之十二

人物志

五

完節

祝永輝妻季氏生一子而寡苦志撫之已三十七年

陳宜哲妻李氏年二十三夫死以有遺腹勉爲未亡

人越數月生榮稍長死時姑孟氏老且瞽氏乃忍

死奉養三十年姑八十尙無恙者氏之力也

趙理妻彭氏年十九適理越一年而理亡無所出守

節奉公姑立嗣至五十二歲死嗣見龍邑諸生

歲貢江汝璿妻李氏璿死子爲泗尙幼氏終日號泣

雙目失明然經理家政皆合于禮又善訓子多義

方歷節五十三年

採鄧士英所撰傳

汪志義妻陳氏年十九于歸適年夫故矢志孝事舅姑飲食必親修澆必滑敬而進之舅姑嘗之而後退未嘗有疾言厲色歷三十年如一日

採胡瑛所撰傳

陳錫齡側室李氏錫齡死氏生子福永甫數月盡心

撫育訓以義方俾成立家故饒氏綜理家政井井無廢事陳祚幾墜復賴者氏之力也

採李樞煥所撰傳

尉三畏妻張氏夫死無所出奉公姑能代子職繼大德爲嗣撫養成立冰霜之操已歷四十七年

尉芝妻郭氏夫故子景方三月紡織撫之且奉公姑

碭山縣志

卷之十二

人物志

奠

完節

焉四十年苦節不二其志

監生崔士銓妻李氏生子可惠越五年銓死氏親操井臼以奉親課子慈而嚴伯氏逝世姪孤無依氏育之愛如己子復婚配焉孫泰晤皆諸生

汪志智妻尉氏年二十孀投繯者再鄰嫗止之曰若獨不念舅姑乎且遺娠何可死踰兩旬生子天氏

心益苦志益堅紡績事舅姑茹荼終其身

採胡瑛所撰傳

常亮妻張氏年二十三生子僅期而亮死家貧事翁姑孝守節五十二年撫子成立

劉忻妻李氏夫死遺二孤長三歲次數月姑且老氏
仰事俯育無少憾守節已四十二年

程正妻董氏年二十寡奉養上撫孤現年五十四

吳觀光妻尤氏觀光死止二女堅貞自矢復爲立嗣
苦節至老

侯選州同黃軒妻汪氏軒死子晚馥甫週歲撫之成
立氏經理家務內外肅然遇祭祀必誠必敬卽燕
閒與婦女處亦不聞言笑聲

崔可彰妻閔氏彰故氏守節撫子時姑已亡事翁尤

碭山縣志

卷之十二

人物志

五

完節

謹

監生王昌基妻陳氏年十七適基甫一歲基死氏以
姑老代養忍死作未亡人終歲勤紡織十指盡血
不敢告勞族人憐其節爲立嗣

王廷熾妻崔氏夫死遺週歲子增年氏矢志靡他事
公姑盡孝撫孤盡慈歷苦節已三十一年

田維仁妻楊氏仁死勵志守貞孝養公姑無所出以
姪來同嗣娶媳馬氏來同死氏亦以節終

孫繼聖妻劉氏生子安基方三歲公姑年皆逾七旬

氏孝慈兩全貞操五十餘載

監生殷守智妻范氏增生在嶧女雅好書史夫病衣不解帶者三年祈求無不至竟不起時年二十三無子女氏苦節自矢今已三十一載矣

王之榮妻薛氏早孀翁姑繼逝克盡婦道撫幼子子死復撫孫

常瑞妻謝氏十八歲夫死卽自縊家人力救甦越數月遺腹生一女復歿姑亦孀且貧氏奉之生死盡禮至今年五十

陽山縣志

卷之十二

人物志

頁

完節

尉超妻張氏生子三元僅數月超死氏矢節撫之奉翁姑宗族咸稱其孝教子入邑庠

張錞妻張氏夫死子夢麟週歲氏養老撫孤苦志已三十三年

李邦妻張氏年二十寡無所出貞節自勵且善事尊嫜鄉里稱之現年七十二

龐克任妻張氏夫故撫四歲子守節未幾殤氏哀痛欲死叔氏嗣以週歲子遂忍苦以承宗祧

張鏞妻張氏夫死念翁姑老因撫週歲子以奉養之

現年八十四計矢志時蓋已五十九年矣

包璵妻陳氏夫早故止一女家貧立志守節勤女紅奉翁姑撫嗣有成歷節三十餘年

汪斌妻張氏斌亡遺三子其姑哭之喪明氏養葬無缺撫子烈如剛如陵戍

諸生汪碩熾妻陳氏熾亡投繯者三姑諭以孤幼祖衰乃止送往事居竭力營辦三十一年如一日

戰炳妻田氏年十八炳死兩月生遺腹子福至家貧有小姑翁欲嫁氏以備妝奩氏曰願留身作伴臨

碭山縣志

卷之十三

人物志

五

完節

期當措辦氏乃早夜益勤紡績積餘錢嫁之

趙金聲妻朱氏夫故子女俱無勵志奉公姑終不渝

劉文元妻董氏子四歲而孀氏撫之成人教之讀書以成其名養葬翁姑克有終

王化洪妻邵氏二十三歲洪死無子欲殉翁姑爲立嗣以慰之遂養老撫孤茹苦四十七年

原廷試妻汪氏夫故矢志携孤兒敬事公姑守節三

十九年

諸生陳人龍繼妻李氏歲貢天珙石女二十二歲寡自

縊不得死不食三日又不死老姑哀勸乃以奉姑
撫前子爲任訓子成名年七十終

曹珍妻王氏夫死事公姑不懈其志子方壯而氏歿
守節三十一年

葛靜思妻席氏二十一歲夫死氏携二歲子紡績以
養公姑及歿無有缺禮守節四十五年

李之芳妻汪氏早寡二親已老三子俱幼勵志守貞
能代子職

戴揚妻王氏揚死遺孤彌月善事公姑教子成立

碭山縣志 卷之十二

人物志

卓

完節

戴操妻黃氏二十二歲操死嗣子一歲撫如已出奉

翁姑能盡婦道以完節終

王炤坦妻李氏坦死撫四歲子維慈奉老翁姑維孝
幾四十年如一日

李振顯妻尙氏年二十生子鴻善未一月顯死氏通

內則孝舅姑有諷之去者固斥之諷者益凌逼氏

氏乃仰天大號引刀自割諷者始息未幾奪氏田

氏益甘貧撫孤授經書清操六十餘年子亦耿介

奉母訓孫士珍士瑞猶守家法

徐法冉妻張氏十七歲適冉逾年而寡無子依舅姑
爲命姑患痰疾奉事惟謹得其歡心及歿葬如禮
李迴文妻趙氏年二十一孀善事姑姑卒竭力營葬
劉玉妻張氏年十九夫死撫孤誓不嫁今年六十六
郭秉魯妻李氏年二十一寡無子撫嗣矢志
汪卜妻許氏諸生許灼女早寡家貧值儉年紡績爲
生舅姑歿喪葬皆氏自備

張超妻魏氏無子夫死雙親俱老家甚貧養葬皆取
自紡績中五十年艱苦備嘗

碭山縣志

卷之十二

人物志

聖

完節

常淑玉妻馮氏子數月玉死事親撫孤以至於老節
孝聞於鄉

徐世法妻戚氏夫亡遺命勿死氏卽孝親撫幼叔如
所命嗣姪同鑰同序守節四十一年

曹朴齋妻王氏早寡子女皆無苦守之終身不貳其
操事翁姑尤謹

宋元善妻謝氏善病以親老無子爲托泣許之及歿
孝老翁且勸翁置妾生子待嗣翁死撫幼叔成立
殷守禮妻王氏早孀無子愛嗣子如已出至老不倦

汪於本妾王氏一女二歲而寡遺命令其改嫁氏惟
涕泣而已家道中落終無怨言一生未出中門

王爲禹妻楊氏禹死子三歲提携以奉公姑家貧紡
績以給

王抒蘊繼妻黃氏早孀善撫嫡子夫在時子同出痘
氏捨己子而專守嫡子曰吾子可再無母子不可
再也歲儉氏以糠粃自充而甘旨不缺年九十終
王中理妻王氏理死年十九欲殉公姑勸止嗣以未
滿月子仰事俯育苦志四十四年

礪山縣志

卷之十二

人物志

聖

完節

王修來妻李氏夫故子宜方三月祖姑年邁翁病痰
常卧不起姑亦老氏上承三老人備極艱辛及相
繼歿皆竭力勦瘞事憂患層疊其苦節尤人所難
徐搏妻房氏諸生越女早寡遺二孤長三歲次彌月
氏奉孀姑盡子道訓二子盡父道幾五十年

蕭玫妻胡氏蕭萊妻尉氏玫死無子女家甚貧翁姑
俱雙瞽匙箸需人氏備極孝養萊死尉亦無所出
孝奉翁姑節操與胡氏爭烈而貧苦尤過之鄉里
稱雙節焉

權仲妻汪氏夫亡姑老氏貧苦百端盡孝養撫孤子四十餘年不改操

蔣天增妻程氏十九歲孀赤貧奉親撫孤五十六年王可教妻戚氏夫死翁姑皆老子二一四歲一背生惟以紡績盡孝養雙親得終事二子得成立

文元善繼妻沙氏年二十三寡遺子一週家無寸土氏孝養公姑慇懃教子

王宗妻齊氏夫亡公姑相繼亡隻身撫子食貧終身汪昉琳妻李氏琳亡無子誓欲殉族人許立嗣乃止

碭山縣志

卷之十二

人物志

三

完節

克執婦道撫嗣成立

周柁妻許氏年二十三寡食貧撫二歲孤奉公姑養葬竭力年七十二終

汪滬妻龐氏滬病足孀姑賴氏以養姑嗜魚不能常得乃鑿池室旁畜子魚每食必供夫死矢志年八十餘終

汪如溥妻周氏溥早亡養公姑以孝謹聞撫子櫓娶李氏櫓亦死兩節相勵如冰霜

孫東妻張氏夫故遺一歲孤姑亦老赤貧有勸嫁者

抱姑而泣子死姑亡哀毀骨立歲荒餓死

周涵妻李氏早孀無子嗣揆文奉二親以禮嗣子死

撫孫成立苦節四十四年

陳廷璧妻陳氏夫故子世良方四歲氏絕粒四日舅

姑責以大義遂矢志撫孤孝奉尊嫜家本貧兼值

凶歲氏辛勤紡績以老年九十一終督學旌之

范廷妻宋氏夫亡子幼孝公姑公姑歿子又亡撫弱

孫現年八十

戚道培妻李氏培患瘋疾輒不食氏亦不食子三歲

陽山縣志

卷之十二

人物志

四

完節

培死氏善體公姑心食必自奉公姑病勞瘁死

段宗妻楊氏夫死無子女斷髮不嫁竭力養姑及歿

三日勺水不入口今年七十五

董錫妻岳氏于莊佃也少寡苦守幼子法柱幾三十

年

朱廷論妻張氏夫亡無子事姑克執婦道族人嗣以

子又死壽八十歲

諸生孫白妻張氏白故子四歲奉親無缺守志幾五

十年

蔣元祥妻劉氏夫家母家皆貧夫死困餓不渝其操
杜慎恭妻張氏夫亡堅苦守志年八十四卒

蔣世雄妻王氏家貧早孀無子善事公姑守志四十
年

葛森妻魏氏早孀無出家貧苦守養親嗣子亡撫幼
孫

孫照妻范氏照死子幼善事翁姑教子成立
孫之京妻侯氏京亡氏年二十無子女事翁姑能代

子職有迫嫁者斷髮為信奉親三十餘年無懈志
碭山縣志 卷之十二 人物志 完節

黃釗繼妻房氏二十二歲寡事公姑如禮嗣子死撫
孫

孫熙妻周氏早寡懷幼子以奉翁姑撫子成立
汪鎮北妻張氏二十一歲寡一女方週奉姑值儉年

自食糠粃甘旨不缺姑病七年一夜每數十起不
懈及歿終身茹素

馮國昌妻戚氏夫亡子幼姑衰氏養育無缺子金亡
妻王氏年二十一亦以節孝聞其行事與姑等

閻維孟妻王氏家貧夫死紡績養翁姑撫四月孤未

幾孤死氏貞操愈堅族人憐其苦節爲立嗣

陳世純妻楊氏少寡子幼奉雙親者三十餘年

州同汪國器妾于氏生子六歲夫亡守節三十餘年

梅臻妻萬氏十九歲夫死三月生遺腹子行中親操

井臼以奉公姑徐州衛表其門

張伯岳妻王氏二十歲寡奉公姑孝撫弱孤慈現年

五十四

諸生張玠妻王氏無出妾沈氏生子澤方三歲玠死

及澤長娶戚氏又死戚欲殉二姑勸曰張氏命脉

陽山縣志

卷之十二

人物志

貞

完節

在爾腹中幸少待越六月生子曰杲王守節六十

年沈守節五十年戚守節四十三年稱張氏三節

李光炳妻郭氏十八歲斫死無子女老姑病卧多年

氏奉之日夜不怠愛嗣子無異己子

信尚義妻祝氏生子未週而寡欲殉姑泣曰兩世一

綫所恃惟爾爾殉奈宗祧何氏遂勉力奉姑姑死

哀毀死子亦成立

汪於淮妻方氏淮死撫七歲孤苦志終身

包塔妻邵氏子女皆無而孀苦志奉親嗣子亦亡

孫秉鑑妻李氏夫死遺二孤長五歲次二歲公姑俱
老事育兩無憾

諸生張培峻妻劉氏峻故劉年二十三子元勳未一
週熒熒無告以勤儉致豐年八十餘卒

魏履吉妻丁氏吉死遺子二歲公姑俱歿奉祖姑既
葬守幼子歷節四十六年

蔣釗妻王氏子一歲而釗亡家貧公姑老取給于針
黼公先歿姑近百歲朝夕扶持怡怡如也

徐中砥妾牛氏夫亡孤一歲嫡戚氏年老病卧牛氏
陽山縣志

卷之十二

人物志

墓

完節

欲殉戚諭以弱息誰撫死者誰殮乃止戚病卧四
年奉之不少懈及歿辛勤營葬稱苦節

毛發妻陳氏二十三歲寡遺孤一周養老撫幼均無
遺憾子死撫弱孫成立年八十三終

朱履信妻汪氏二十一夫亡無子叔幼善事姑姑晚
年喪明氏奉之益謹叔生子彌月氏撫之成立今
年七十有八

汪照妻岳氏十九歲寡無子奉公姑養葬如禮

趙象臨繼妻李氏夫死無子亦無可繼念公姑老家

貧乃勉力供養公姑繼逝氏亦歿

陳瑾妻戚氏瑾死無子以公姑衰不敢殉氏事之能代子職并爲立嗣

張福至妻趙氏福死矢志守節撫孤現年九十

汪金彪妻王氏大學士頊齡孫女部郎圖壽女性貞靜事公姑以孝年二十一夫故遺五月孤元珩矢志守節撫之有成

李朝鼎妻丁氏夫死守志撫孤六十一年至今八十
三歲善奉姑有司旌之

碭山縣志

卷之十二

人物志

貞

完節

吳治國妻王氏夫死撫二幼子家無寸土紡績事公姑不懈

張檀妻劉氏年十九夫故孤甫五月親操井臼以供翁姑艱辛勵志至老凜然

李持邦妻李氏早孀二子幼家貧公姑俱逝氏殯葬竭盡心力值荒歲衣食常不給紡績以課子

談愫妻陳氏愫亡子維楷未一週號泣不食志在必殉公姑苦勸乃食奉親撫子清操四十餘年

生員許燃妻張氏夫死奉事孀姑養葬無遺憾撫子

有成現年六十三

張深妻孟氏生子一週而寡辛苦備嘗事上撫下以節終

張芳樹妻王氏夫故奉公姑得歡心及歿拮据盡禮撫子韶娶蔣氏無所出韶又死欲殉叔氏嗣以二歲子宗岱氏教養不異所生

朱雨潤妻李氏二十三夫死無子守節至老

蔣源淳妻李氏生子植五歲夫故公姑年已邁氏勤儉教養冰節凜然

碭山縣志

卷之十二

人物志

冕

完節

張琰妻羅氏夫故撫子守節四十年

邵學士妻曹氏十九歲夫亡遺子未週事奉公姑得歡心撫子成立現年六十五

張愼修妻賈氏夫死遺二子皆幼氏恩勤撫育兼奉翁姑克盡婦職

徐和妻汪氏十九歲孀惟一女誓死守節至今五十七歲矣

劉馨妻張氏夫死家貧矢志撫二歲孤起佩娶趙氏佩又早卒氏撫幼子守節亦如姑

王之棐妻趙氏夫死子二皆幼守節三十八年

馬之俊妻吳氏年二十二寡勵志奉翁姑苦節五十年

陳宏任妻陳氏夫故事上撫下孝慈兩盡

李珍妻崔氏夫故長子二歲次子數月公姑皆老氏守節以遂夫志

范德謙妻邵氏適德謙一載而孀無所出矢志守節歷事祖姑及姑養生送死皆有禮以姪嗣

黃連昇妻王氏早孀守節翁姑老叔幼供養無缺迄

礪山縣志

卷之十二

人物志

五

完節

今三十三年

邵新德妻張氏夫死翁姑老子未滿週氏勵志代夫克盡子職兼以母道代父道焉

王之初妻何氏二十歲夫死撫幼子兼奉翁姑以孝慈稱

劉大价妻王氏夫死僅一女苦志孝翁姑撫嗣子銓

銓又早亡妻李氏亦無所出姑媳相勉守節以老

曹雲漢妻翟氏早孀翁雙瞽姑常卧病氏守貞奉事

無缺禮撫幼子成立

馮免妻汪氏十九歲寡無子女翁已歿依老姑守節
三十九年

原廷肱妻李氏夫死事翁姑撫幼子盡敬盡愛子死
撫孫

徐中本妻蔣氏夫死子亦殤遺一女以翁姑俱在不
敢殉生養死葬無不竭力

汪鉏妻孫氏夫故子璣方一週撫孤養親無缺璣又
亡妻王氏守遺腹子福撫養如孫氏福又亡妻李
氏復守孤懷錦撫養亦如王氏三世皆寡三氏同

礪山縣志 卷之十二 人物志 五
揆聞者莫不嘆息也

薛烜妻謝氏烜死氏年十九無子女氏清潔自持內
外肅然鄉里榮之

姚廷文妻劉氏夫死氏上事尊嫜下撫二孤至於成
立現年八十一

朱士信妻龐氏早寡無子家貧誓欲殉家人苦勸乃
不死事翁姑克盡子職及歿盡哀盡禮嗣子偉亦
成立守貞四十二年

張至雍妻賈氏夫死子六歲氏孝公姑撫弱息極

艱辛

戚連妻王氏年二十四墮死遺二歲孤家赤貧公姑

老氏績布採薪以供之子既成又死終無嗣者

張濟妻王氏早孀奉姑撫幼無不如禮子曰本入成

均守貞已三十七年

岳秀岱妻汪氏側室曹氏甫生子六日岱死姑老不

能行曹左右扶持二十三年不少懈子亦有成

賈仲蓮妻馮氏賈時至妻王氏賈有成妻王氏妯娌

也兄弟皆早死仲蓮無子有成有子而天時至遺

碭山縣志

卷之十二

人物志

五

完節

二子遂分嗣矢志各歷節數十年蓮與至死時皆

有二親二氏能代子職而成妻撫嗣子尤篤愛

張士權妻劉氏權死二孤俱幼家且貧氏奉翁撫息

俱極勤苦守貞已五十歲矣

汪紀道妻曹氏夫死遺二孤姑病躬奉湯藥及歿營

葬守志四十九年子東臣亦成立

朱履周妻李氏生二子幼周死家貧氏脫簪珥養公

姑勤紡織課稚子公姑繼歿哀禮兼盡子勇監生

張雙槐妻董氏早孀子幼斃無依守志已四十一

年

房明德妻宋氏年二十一夫死遺孤甫週氏竭力養親義方訓子苦志愈老愈堅

毛君祿妻王氏夫死子方數月氏養老撫孤艱苦備嘗現年六十一

馮存義妻于氏子未一月而寡家貧公姑病親湯藥及歿無不盡禮子士貴成立守志已四十四年

賈攀龍妻朱氏十九歲孀無子孤苦矢志冰操凜然黃鉞妻魏氏夫亡年二十一翁姑俱老養親以孝撫

碭山縣志

卷之十二

人物志

五

完節

孤以慈守節四十年如一日

蔣以寬妻高氏早寡家貧借紡織以糊口養老撫孤歷盡艱辛

丁志法妻張氏早孀念翁姑無人殯葬乃携三歲孤勤紡織以營葬事子大成亦成立

李淳妻王氏夏邑孝廉王一峯妹夫死欲殉人勸以親老子幼乃止孝翁姑嚴訓子宗師給匾旌之

陳紹敬妻房氏敬死遺二孤公姑老氏耕織以爲家業孝親慈幼人無間言

焦可式妻黃氏年十八孀子未一月氏冰霜自矢奉老撫孤四十六年

李九成妻朱氏夫死子輝煌四歲氏奉翁姑自食菲薄甘旨不缺教子有法苦節三十一年

陳其俊妻袁氏生一女孀事翁姑以孝聞姑歿以禮葬之翁諸生陳佩今已八十餘氏孝愈篤

賈德凝妻張氏年十八無子而夫故苦守至老

龐文奎妻宋氏無子寡翁患癱症氏二十餘年奉之不少懈撫嗣子不異所生

陽山縣志

卷之十二

人物志

四

完節

徐新妻趙氏早孀無子堅苦守節年已七十矣

湯朗妻蔣氏朗死子一週事公姑撫孤孝慈兼盡

張玉璞妻張氏夫死遺二孤奉姑以孝教子以嚴七十八歲終子楨入邑庠

竇汝楫妻周氏夫死無子氏年二十二奉姑三十餘年如一日撫嗣子成名

諸生張暲妻于氏年二十暲故無子氏吞毒石得救

方甦姑病奉養三年不怠嗣子鳳儲

王端妻許氏早孀氏以子廷峻方在襁褓公姑老氏

養之育之各極艱辛歷節三十五年

黃福佑妻扈氏夫亡氏年二十子幼舅姑皆老事育無缺矢志已三十一年

岸生戚克讓妻王氏妾袁氏夫故王氏孤甫三歲袁氏孤方週二氏冰霜相勗教子有成

祝永錫妻王氏錫死氏有娠姑戒勿死越十日生子氏仰事俯育兩得其道

孫宣曾妻張氏二十一寡無子竭力以養公姑冰霜日矢終其身

楊山縣志

卷之十二

人物志

異

完節

陳朴妻吳氏朴亡苦志守貞奉養公姑以節終

增生馮盼妻謝氏盼卒氏年二十二以親老子幼不死歷五十年翁姑既葬子亦成立

楊文禮妻趙氏夫與母家皆鄉民禮亡子幼翁姑老事育無不如禮教子成立勤苦不懈

汪於樞妻程氏樞死依孀姑姑多病以藥爲飲食氏供以時無少倦姑卒一痛嘔血三年茹素

趙朴妻薛氏朴早亡矢志撫二歲孤勤紡績以事親王其壽妻張氏夏邑諸生子述女夫故遺孤五歲氏

孝親慈幼各得其道督學旌之

監生汪志與妻張氏與死子三照燾煦氏矢志撫之
艱苦備歷未幾照燾繼歿燾妻姜氏並姑守節張
哭子喪明姜事之益謹

諸生朱文藻妻劉氏夫故姑病奉湯藥衣不解帶孤
十歲死欲殉衆勸乃止以完節壽終

朱寶玉妻劉氏早孀子數月公姑繼歿氏懷孤紡績
矢志靡他

陳裔善妻渠氏二十一善死子一歲撫至成立子亦

礪山縣志

卷之十二

人物志

真

完節

亡依孀媳李氏

孟裕熬妻鄭氏十九歲夫死公姑皆老夫弟尙幼氏
勤苦奉親以苦節稱

王其威妻邵氏威死氏年二十一子長仁未三月氏
懷抱以奉翁姑苦節終身

華士繼妻張氏繼幼瞽扶持多年不怠及亡公姑老
二子幼氏苦志四十一年

鄭大志妻王氏早寡遺二孤氏奉姑撫息無懈志

趙振妻王氏夫故無子家貧氏竭力奉養翁姑未幾

翁卒姑病瘋氏扶持益謹孤苦以老

監生劉楷妻史氏夫故子幼翁姑老而病氏力肩家政得堂上歡心嘗語人稱孝婦焉

王廷點妻刺氏子甫週而夫死氏日夜勤紡織以事姑姑歿叔幼氏撫之恩禮兼至

萬長春繼妻劉氏早孀孝翁姑撫前妻子尤善

權聿修妻高氏夫亡子二齡氏堅貞自守事上撫下苦節已歷四十三年矣

夏宜妻趙氏夫死遺一子有欲奪其志者氏矢志撫

碭山縣志

卷之十二

人物志

七

完節

孤宗祧賴以不絕

王朝賓妻盧氏早寡無子女氏爲立嗣奉翁姑備歷艱辛現年七十七

王熠妻紀氏無所出夫死守節殯葬翁姑撫嗣子恩如已出

王振文妻王氏家貧氏養老育幼守節三十四年

監生薛廣祿妻李氏夫死奉翁姑無缺禮撫子果娶

鄒氏生孫六月果亡求幾孫又殤氏與媳冰霜相

勵族人憐之立嗣孫心傳

徐鑰妻吳氏年二十五夫故越六月生遺腹子法輅及長娶賈氏生子松方一週法輅又死姑妯相慰藉同旌竝建雙坊鄉里榮之

尉駿傑妻馮氏夫死年二十一遺一女氏哀痛幾絕矢志奉翁姑以孝稱

張業妻謝氏業亡無子女奉親立嗣守節四十九年李天來妻蘓氏早寡善事二親撫二孫成立

陳應魁妻張氏夫死子未週養老撫孤苦節六十年

陽山縣志

卷之十二

人物志

裏

完節

談于栢妻陳氏年十九夫亡氏伶仃孤苦撫子有成萬逢瑞妻劉氏訓導一柱女瑞死遺三孤俱幼氏養葬公姑無憾夫姊孀迎養其母子且婚配焉子維誠貢生維訓維嶽皆諸生督學旌其門

附壽婦

王春貴母李氏農佃也端潔勤恆生四子夫亡後皆教以正五世和睦今年屆百歲有司爲請旌焉

貞孝

明

劉愚妻段氏愚父八旬患病思食肉春荒家窘又居

村落肉難猝至段潛割股奉之病即愈府志

程氏女名恩智襁褓時父許字里人王勤子守仲守

仲殤女年纔十四飲淚含酸父母弔守仲女願隨

在父母大恚不許囑其妹伴之女給妹出外即自

縊於寢所父母歸見女面向守仲家含笑如生事

聞旌表府志

陽山縣志

卷之十二

人物志

覓

貞孝

國朝

徐禹治女九歲時許字魏典年十七典亡氏暗泣不

食自縊家人救免後數日仍自經府志

杜氏女許字戴允謙允謙歿女年十八請於父在弔

夫家臨棺號慟乘間自縊府志

歐陽女許字王氏子夫亡父更議婚女聞投井死府志

彭姑宿遷遊擊彭鎮女許字汪諄將婚諄忽病死父

匿不與知女窺父有憂容泣叩其故以實告遂不

食臨歿告父母必葬我於汪氏父憐其志送柩與

諄合葬郭志

監生孫琦妻駱氏翁姑早逝惟祖母李氏在堂孝養

兼至相夫尙義鄉里有賢孝之譽郭志

生員徐珍妻竇氏有婦德自少及老其孝思勤儉人

多稱之至康熙六十年百有四歲尙強健能紡績

郭志遺採
府志補

陳美妻張氏于歸後能修婦道姑痼疾醫藥不治張

禱於神夜夢神語曰汝姑當死惟汝能救之寤卽

割股肉調羹以進三日霍然有司旌之郭志遺採
府志補

陽山縣志 卷之十二 人物志

貢生戚价妻黃氏姑衰老氏以乳哺姑姑歿孝翁倍

至與价同心奉養四十年不少倦郭志遺採
府志補

廩生汪則良妻吳氏姑病不能食氏守榻前乳姑十

四年始歿事翁益孝同里張鳴鳳妻李氏亦以乳

姑著稱郭志遺採
府志補

陳世泰妻楊氏刲臂肉療姑郭志遺採
府志補

劉氏季魁女生踰年喪母稍長紡績以養季魁魁乏

嗣贅曹賢爲婿魁病篤氏刲左股和藥以進魁調

知之相持大慟越一旬魁死貧無以殮將鬻其子

鄰族憐之爲治具氏扶柩與母合葬負土成墳郭志

劉孝姑不嫁以養其母者也姑七八歲時父死十七

八歲母瞽因其貌美自剪髮放足爲男子狀朝負

母至隴畔暮負而歸井曰耕耘姑自操之有田幾

畝甘旨無缺使母心歡而忘其瞽姑冬一瓊笠夏

一草冠襤襪自給而已或憐之餽以貨姑曰我以

完糧市易煩諸父老受惠多矣以女子身而受人

餽不可人益重焉母年九十乃卒姑備棺葬其母

往來省墓墓在紀家窪必涉水里人爲甃一橋所

碭山縣志 卷之十二

人物志

皇

貞孝

爲劉姑橋者是也其行純潔年又高故人呼爲

劉姑云 採蔣爲所撰傳

汪德馨妻吳氏事翁姑以孝稱相夫成名嘗脫簪珥

以佐乏及夫仕以奉姑不願之任姑病親湯藥數

月不倦日籲天願代公姑喪咸恪盡婦道壁畫家

政秩然有條理里中言禮法者必宗之郭志

汪貞婦秦氏太僕炳女許字臬司德馨子鐵豸未嫁

豸亡氏年十六力請于父奔喪遂不歸矢志守貞

教嗣子元琛成名本貞女而稱貞婦從其志也新

汪恕妻馮氏年二十歸恕逾年姑病氏勤侍湯藥愈後五穀油鹽入口卽嘔惟食乳甘氏適生子金相乃以食食子推乳乳姑乳竭求藥下之再竭再下五年餘瘦瘵而死姑亦亡邵太守旌其門新增

國朝節孝

以下載郭志而事實無考仍存其舊以俟識者補傳焉

郭進忠妻于氏

劉起三妻戚氏

李天心側室鄧氏

何鹿齡妻張氏

監生范鏞妻王氏

鄭爾瞻妻胡氏

徐鏞妻吳氏

孫儲妻包氏

黃維及妻王氏

田濟昌妻吳氏

王維新妻李氏

魏廷棟妻李氏

黃端木妻薛氏

邢國卿妻薛氏

李廷棟妻彭氏

朱珣妻于氏

陽山縣志

卷之十二

人物志

三

完節

許有年妻金氏

周士尚妻李氏

于永周妻陳氏

監生劉永裕妻黃氏

趙德普妻曹氏

張道煌妻蔡氏

李中巨妻魏氏

毛國良妻曹氏

呂勸皇妻張氏

孫理民妻盧氏

張協已妻毛氏

丁碩彥妻汪氏

許進忠妻李氏

汪文玉妻朱氏

徐誠端妻范氏

徐載舉妻劉氏

庠生王士昌妻關氏

常執中妻趙氏

王宏猷妻張氏

黃登甲妻蘇氏

陳洪繼妻唐氏

王調鼎妻陳氏

高超妻楊氏

賈永茂妻劉氏

周維敬繼妻陳氏

朱世法妻曹氏

鄭廷龍妻馬氏

蔣全教妻侯氏

張銳側室張氏

秦祥妻周氏

丁妻李氏

鄭朝聘妻李氏

庠生張獻妻常氏

季聖訓妻黃氏

宗洪妻于氏

鄭普妻趙氏

碭山縣志 卷之十二

人物志

五

完節

趙培妻萬氏

李梓妻郭氏

魏善長妻李氏

侯明祿妻趙氏

趙繼祖母劉氏

黃奇妻鄭氏

朱世勲母徐氏

戚文明妻張氏

魏祥趾妻丁氏

黃元誠妻李氏

崔士海妻孫氏

陳廷旗妻邵氏

戚琦妻黃氏

邵蘭妻馬氏

李冠六妻孫氏

薛振北妻趙氏

胡一位妻張氏

杜廷策妻張氏

張泰運妻周氏

山觀光妻邱氏

汪鏗妻曹氏

楊士龍妻苗氏

闕林妻邵氏

王鑑妻竇氏

龐與紹妻趙氏

馮豹文妻黃氏

黃釗妻崔氏

魏士茂妻蔣氏

王世德妻孫氏

毛遂妻周氏

董兆昌妻陳氏

馮帝錫妻汪氏

張其著妻賈氏

監生湯鑑妻萬氏

王璧妻郭氏

監生陳瑄繼妻劉氏

碭山縣志

卷之十二

人物志

墓

完節

毛廷越妻張氏

張聯芳妻王氏

曹備妻陳氏

汪中彥妻郭氏

褚燕皇妻李氏

馮啟銹妻宋氏

汪鏞妻宋氏

王溥妻段氏

邵郁妻孫氏

陳嗣輝妻葛氏

黃瓚妻陳氏

劉奇珍妻馮氏

王任我妻黃氏

趙國謨妻王氏

賈廷晉妻李氏

汪汝璘妻王氏

魏廷

張興妻沈氏

李履信妻汪氏

段朴妻王氏

周澳妻朱氏

徐超妻杜氏

劉起龍妻劉氏

魏公達妻呂氏

張星母崔氏

李思哲妻孫氏

范求寧妻史氏

李鵬舉母汪氏

范履讓妻尚氏

單瑞妻王氏

朱天祿妻趙氏

毛嵩繼妻董氏

李柱妻張氏

龐淳妻汪氏

白成妻周氏

汪爲禮妻李氏

礪山縣志

卷之十二

人物志

李芳妻李氏

楊曰蟾妻何氏

國朝孝淑

葛中麟妻宋氏

監生汪之廣妻常氏

劉克生妻于氏

監生張瑾妻徐氏

王簡載妻高氏

汪於森妻李氏

蔣元凱妻陳氏

孫曰隆妻闕氏

汪用霖妻趙氏

汪爲漳妻陳氏

李任生母曹氏

張珍妻郭氏

汪汝璋妻徐氏

李廷訥妻王氏

